

**01/16-сонли ШАРТНОМА**  
**Товарни ишлаб чиқариш, ўрнатиш, монтаж қилиш**  
**ва ишга тушириш бўйича**

**Тошкент шаҳри**

**2022 йил «16» ноябр**

Бундан кейин «**Буюртмачи**» деб аталувчи, Низом асосида иш юритувчи Ташқи меҳнат миграцияси агентлиги Давлат Унитар Корхонаси номидан ушбу агентликни бошлиғи А.Ирматов ва бундан кейин «**Ижрочи**» деб аталувчи, Устав асосида иш юритувчи «**SUN-NIGHTECH**» масъулияти чекланган жамияти (МЧЖ) номидан Бош директор Э.Т.Абдуллаев (бундан кейин биргаликда «**Томонлар**» деб аталади, ва мазкур шартномада кўрсатилган ҳар бир юридик шахс «**Томон**» деб аталади) ушбу Шартномани куйидагилар ҳақида туздилар:

**I. ШАРТНОМА МАВЗУСИ**

**1.1 Ижрочи Буюртмачига** қарашли юқори ташкилоти Ўзбекистон Республикаси Бандлик ва меҳнат муносабатлари вазирлиги ҳудудига - Тошкент шаҳар, Миробод тумани, Миробод кўчаси, 15 уй жойлашган манзил бўйича ва мазкур шартномага 1-илова қилинган рўйхат бўйича ташкилотларга ва унинг ҳудудий бошқармаларига умумий қуввати 1187,6кВт тармоқ қуёш электр станцияларини (бундан буён матнда «**Товар**» деб аталади) ишлаб чиқариш, ўрнатиш, монтаж қилиш ва ишга тушириш бўйича ишларни бажариш мажбуриятини олади. **Буюртмачи** куйдаги манзилда жойлашган – Тошкент шаҳар, Олмазор тумани, Қамарнисо кўчаси, 1 уй.

Мазкур шартнома Ўзбекистон Республикаси Бандлик ва меҳнат муносабатлар вазирлиги томонидан **Товарни** харид қилиш бўйича 2022 йил 15 ноябрдаги 176367-сонли энг яхши оферта лотини танлаш бўйича харид қилиш комиссиясининг баённомаси асосида тузилди.

**1.2 Ижрочи** ушбу Шартномани тузиш вақтида **Томонлар** томонидан келишилган ва имзоланган ҳамда шартноманинг ажралмас қисми бўлган 1-иловага мувофиқ **Товарни** ишлаб чиқариш мажбуриятини олади. **Буюртмачи** томонидан Техник топшириқларга ҳар қандай ўзгартиришлар киритилган тақдирда, ушбу ўзгаришлар ушбу Шартномага ёзма қўшимча келишув асосида **Ижрочи** билан келишилганидан кейин якуний ўзгартирилган деб ҳисобланади.

**II. ТОВАРНИНГ НАРХИ, КАФОЛАТ МУДДАТИ ВА ТЎЛОВ ТАРТИБИ**

**2.1.** Мазкур Шартнома бўйича **Товарнинг** нархи қўшилган қиймат солиғи (ҚҚС) билан бирга **12 807 000 000** (Ўн икки миллиард саккиз юз этти миллион) сўмни ташкил этади.

**2.2.** Махсулотга 36 ой муддатга кафолат берилади. **Белгиланган** кафолат муддати давомида, фойдаланиш шартларига кўра, **Товар** кейинги фойдаланиш учун яроқсиз бўлиб қолса ёки сифат талабларига жавоб бермаса, **Ижрочи** ўз ҳисобидан куйидагиларни амалга оширади:

- кафолат муддатининг биринчи ярмида ишламай қолган **Товарни** тўлиқ алмаштириш;

- кафолат муддатининг иккинчи ярмида ишламай қолган **Товарни** тўлик таъмирлаш ва талабларга мувофиқ сифатли ҳолатга келтириш.

**2.2.1. Товарни** сифат ва миқдор бўйича қабул қилиш стандартлаштириш бўйича меъёрий ҳужжатлар (ГОСТ, ЎзДСт, Тс ва бошқалар), шунингдек, **Товар** етказиб бериш вақтида амалда бўлган бошқа меъёрий ҳужжатлар талабларига мувофиқ амалга оширилади. Ҳажми ва ўлчами маълумотларига кўра, етказиб бериладиган **Товар Буюртмачининг** ва амалдаги қонун ҳужжатлари талабларига жавоб бериши керак.

**2.3.** Ушбу Шартнома бўйича тўлов **Буюртмачи** томонидан **Ижрочи** ҳисоб рақамига пул маблағларини қуйидаги тартибда ўтказиш йўли билан амалга оширилади:

**2.3.1. Томонлар** томонидан ушбу Шартнома имзоланган кундан бошлаб 5 (беш) банк куни ичида шарномани 2.1. бандида кўрсатиб ўтилган **Товар** қийматининг 30 фоизи миқдорида олдиндан тўлов;

**2.3.2.** Мазкур шартноманинг 1-илоvasида кўрсатиб ўтилган барча ишларни ва **Товарни** ўрнатиш, монтаж қилиш ва ишга тушириш бўйича ишлар амалга оширилгандан кейин, ушбу ишлар қабул қилиб олинган кундан **Товар** қийматининг 65 фоизини **Буюртмачи** 5 (беш) иш куни ичида амалга оширади;

**2.3.3. Товар** қийматининг қолган қисми, яъни 5 фоизи **Товар** ишга туширилгандан кейин бир йилдан сўнг, **Буюртмачи** томонидан амалга оширилади. Лекин кўрсатилган муддатдан кейин тўлов **Ижрочининг** ҳисоб рақамига 5 (беш) кун ичида (ва ўтиб кетмаган ҳолда) амалга оширилиши белгиланади.

### **III. ТОВАРНИ ИШЛАБ ЧИҚАРИШ, ЕТКАЗИБ БЕРИШ, ЎРНАТИШ, МОНТАЖ ҚИЛИШ ВА ИШГА ТУШИРИШ ШАРТЛАРИ**

**3.1.** Ушбу Шартнома бўйича **Ижрочи** томонидан **Буюртмачига Товарни** ўрнатиш, монтаж қилиш ва ишга тушириш шартларининг бажарилиши тўлов амалга оширилган пайтдан бошлаб 60 (олтмиш) иш кун этиб белгиланади. Ўзбекистон Республикаси «Меҳнатни муҳофаза қилиш тўғрисида» қонуни, Меҳнат ва аҳолини ижтимоий муҳофаза қилиш вазирлиги томонидан 2008 йил 17 декабрдаги 75-сонли буйруғи билан тасдиқланган «Баландликда ишлаганда меҳнатни муҳофаза қилиш қоидалари» ва бошқа норматив-ҳуқуқий ҳужжатларга асосан **Ижрочи** томонидан ишлар бажарилганда, оби-ҳаво бўзилиши ҳолатлари мавжуд бўлса, яъни ёмғир ва қор ёғса, ва (ёки) мамакалдрок ва туман мавжуд бўлганида, ҳамда кучли шамол эсан тақдирда ишлар тўхтатиб турилади.

**3.2. Ижрочи Товарни Буюртмачига** муддатидан аввал етказиб бериш ҳуқуқига эга.

**3.3. Ижрочи** ушбу Шартнома бўйича ўз Шартнома мажбуриятларини **Буюртмачи** 5 (беш) банк куни ичида **Ижрочининг** ҳисоб рақамига олдиндан тўлов қилинган кундан бошлаб бажаришга киришади.

### **IV. ШАРТНОМА БЎЙИЧА ТОМОНЛАРНИНГ ҲУҚУҚЛАРИ ВА МАЖБУРИЯТЛАРИ**

**4.1.** Ушбу Шартнома бўйича **Томонлар** қуйидаги ҳуқуқларга эга:

— ушбу тузилган Шартномани тузиш ва бекор қилиш муносабати билан зарур бўлган маълумотлар ва бошқа ҳужжатларни сўраш ва олиш;

— ҳуқуқ ва қонуний манфаатларини ҳимоя қилишни таъминлаш учун амалдаги қонун ҳужжатларида назарда тутилган воситалар ва усулларни қўллаш;

#### 4.2. Ушбу Шартнома бўйича **Томонлар** қуйидагиларга мажбурдирлар:

— Ўзбекистон Республикасининг амалдаги қонунчилиги талабларига риоя қилиш;

— тузилган ушбу Шартнома талабларига мувофиқ ўз зиммасига олган мажбуриятларини ўз вақтида ва тегишли тартибда бажариш.

#### 4.3. **Буюртмачи** қуйидагиларга мажбур:

- ушбу Шартнома бўйича етказиб берилган **Товар** учун ўз вақтида дастлабки ва якуний тўловни амалга ошириш;

- **Товарни** ўрнатиш тугалланганлиги тўғрисида билдиришнома олгандан сўнг, 10 (ўн) кун ичида **Товарни** ўрнатиш бўйича иш ҳажмини кўриб чиқиш ва қабул қилиш ва нуқсонлар аниқланган тақдирда, бу ҳақда **Ижрочига** маълум қилиш.

#### 4.4. **Ижрочи** қуйидагиларга мажбур:

- Ушбу шартномада белгиланган тартибда **Товарни** етказиб бериш;

- **Буюртмачи** вакили иштирокида ушбу Шартнома бўйича **Товарни** ишга туширишни амалга ошириш ва **Товарни** ўрнатиш бўйича ишларни бажаришда **Буюртмачининг** ёзма ва (ёки) оғзаки тавсияларига риоя қилиш;

- техник топшириқлардан четга чиқишларни **Буюртмачи** билан келишиш;

- ушбу Шартномада белгиланган муддатларда **Товарни Буюртмачига** топшириш;

- ушбу Шартномада кўрсатилган **Товарни** ўрнатиш бўйича техник топшириқ ва иш ҳажмини **Буюртмачининг** розилигисиз учинчи шахсларга бермаслик.

## V. ТОВАРНИ ТОПШИРИШ ВА ҚАБУЛ ҚИЛИШ ТАРТИБИ

5.1. Ушбу Шартнома бўйича **Товарни** топшириш Буюртмачининг ваколатли вакили томонидан имзоланган **Товарни** икки томонлама топшириш-қабул қилиш далолатномаси имзолангандан сўнг якуний топширилган ҳисобланади.

5.2. **Буюртмачи Товарни** топшириш тўғрисидаги билдиришномани олган кундан бошлаб 10 (ўн) кун ичида:

- ёки **Товарни** қабул қилиши ва **Товарни** топшириш-қабул қилиш далолатномасини имзолаши;

- ёки **Товарни** қабул қилишдан бош тортиши ва **Ижрочига** асослантирилган рад жавобини юбориши керак.

5.3. Асосли раддия бўлган тақдирда, тузатишлар рўйхати ва аниқланган нуқсонларни бартараф этиш муддатлари кўрсатилган икки томонлама далолатнома тузилади.

## VI. ДАЪВОЛАРНИ ТАҚДИМ ЭТИШ ВА КЎРИБ ЧИҚИШ ТАРТИБИ

6.1. Ушбу Шартнома бўйича ҳуқуқлари ва қонуний манфаатлари бузилган **Томон** бошқа **Томонга** қонун ҳужжатларида белгиланган тартибда ва муддатларда талабнома киритиш ҳуқуқига эга.

6.2. Ушбу Шартнома бўйича талабнома олган **Томон** талабнома олинган кундан бошлаб 30 (ўттиз) кун ичида ушбу талабномага ёзма жавоб беришга мажбурдир.

6.3. Белгиланган муддатларда талабнома рад этилган (қисман рад этилган) ёки жавоб ололмаган **Томон**, Тошкент туманлараро иқтисодий судига даъво аризаси билан муурожаат қилиши мумкин.

## **VII. ШАРТНОМА БЎЙИЧА МАЖБУРИЯТЛАРИНИ БУЗГАНЛИК УЧУН ЖАВОБГАРЛИК**

7.1. Мазкур Шартнома бўйича мажбуриятларни бажармаганлик ёки лозим даражада бажармаганлик учун **Ижрочи** ва **Буюртмачи** Ўзбекистон Республикасининг амалдаги қонунчилигига мувофиқ жавобгар бўладилар.

7.2. **Товарни** топшириш муддатлари ўз вақтида бажарилмаган тақдирда, **Ижрочи** **Буюртмачига** кечиктирилган ҳар бир кун учун **Товар** қийматининг 0,5% миқдорида, лекин **Товар** қийматининг 50% дан кўп бўлмаган миқдорда жарима тўлайди.

7.3. Ушбу Шартномада назарда тутилган муддатларда тўловни ўз вақтида тўламаганлик ва (ёки) кечиктирилганлик учун **Буюртмачи** **Ижрочига** кечиктирилган ҳар бир кун учун 0,04% миқдорида, лекин кечиктирилган тўловнинг 50% дан кўп бўлмаган миқдорда жарима тўлайди.

## **VIII. ФОРС-МАЖОР ҲОЛАТЛАРИ**

8.1. **Томонлар** Шартнома бўйича мажбуриятларни бажармаганликлари учун, агар уларни бажаришнинг иложсизлиги Шартнома бўйича мажбуриятларнинг бажарилишига бевосита таъсир қилувчи табиий офатлар ёки ҳарбий ҳаракатлар, шунингдек, давлат органлари томонидан ушбу Шартнома шартларини бажаришга тўсқинлик қилувчи қонун ҳужжатларини қабул қилиш ва (ёки) ўзгартириш каби форс-мажор ҳолатлари натижасида юз берган бўлса, жавобгар бўлмайдилар.

## **IX. КОРРУПЦИЯГА ҚАРШИ ШАРТЛАР**

9.1. Мазкур шартнома бўйича ўз мажбуриятларини бажаришда томонлар, уларнинг ходимлари ёки воситачилари ҳар қандай шахсга тўғридан-тўғри ёки билвосита пул ёки қимматбаҳо нарсаларни тўламайди, тўлашни таклиф қилмайди ёки тўлашга рухсат бермайди. Ҳар қандай шахсларнинг қарорлари ўзгартиришлари учун ёки номақбул устунликка эришиш ёки бошқа номувофиқ мақсадларга эришишга йўл қўймайди.

9.2. **Томонлар**, уларнинг ходимлари ёки воситачилари ушбу шартнома бўйича ўз мажбуриятларини бажараётганда амалдаги қонунчиликда пора бериш(олиш), шунингдек амалдаги қонун ҳужжатларини ёки коррупцияга қарши халқаро актлар талабларини бузувчи бошқа ҳаракатларни амалга оширмайдилар.

9.3. Агар томонлардан бири ушбу банднинг ҳар қандай қоидаларининг бузилиши содир бўлган ёки содир бўлиши мумкин деб гумон қилса, тегишли томон бошқа томонни ёзма равишда хабардор қилиш мажбуриятини олади. Ёзма билдиришномада томон бошқа томон, унинг ходимлари ёки воситачилари томонидан ушбу банднинг ҳар қандай қоидалари бузилиши содир бўлган ёки содир бўлиши мумкин бўлганлигини ишончли тасдиқловчи ёки ишонтириш учун асос бўладиган фактларга ҳавола қилиши ёки материалларни тақдим қилиши керак.

9.4. Агар Томонлардан бири ушбу банд қоидаларини бузса, бошқа Томон шартномани бир томонлама бекор қилиш тўғрисида ёзма билдиришнома юбориш орқали шартномани суддан ташқари бир томонлама тартибда бекор қилишга ҳақли.

## Х. ЯКУНИЙ ШАРТЛАР

10.1. Ушбу Шартномага киритилган ҳар қандай ўзгартириш ва қўшимчалар, агар улар ёзма равишда тузилган ва томонларнинг ваколатли вакиллари томонидан имзоланган бўлса, ҳақиқий ҳисобланади.

10.2. Томонларнинг ҳеч бири бошқа Томоннинг ёзма розилигисиз Шартнома бўйича ўз ҳуқуқларини учинчи томонга ўтказишга ҳақли эмас.

10.3. Ушбу Шартнома икки нусхада тузилди ва бир хил юридик кучга эга. Томонларнинг ҳар бири ушбу Шартноманинг битта нусхасига эга.

10.4. Ушбу Шартномада назарда тутилмаган барча масалаларда томонлар Ўзбекистон Республикасининг амалдаги қонунчилигига амал қиладилар.

10.5. Мазкур шартнома имзолангандан кундан шартнома шартлари тўлиқ бажарилган кунга қадар амал қилади.

## ХІ. МАНЗИЛЛАР ВА БАНК РЕКВИЗИТЛАРИ

### «БУЮРТМАЧИ»

Ташқи меҳнат

миграцияси агентлиги ДУК

Манзил: Тошкент шаҳар, Олмазор тумани, Қамарнисо кўчаси, 1 уй.

Тел: (71) 202-33-55; Факс: (71) 202-44-11

Х/Р: 2021 0000 2004 3120 2001

Ўз.Респ. ТИФ МБ БАБ

ММТ: 00407,

СТИР: 201 121 089,

ИФУТ: 78 100

### «ИЖРОЧИ»

«SUN-NIGHTECH» МЧЖ

Манзил: Тошкент ш., Юнусобод тумани, Боғишамол кўчаси 160 уй,

Юнусобод кичик саноат зонаси.

Тел: (94) 777-78-88

Х/Р: 2020 8000 2052 0055 3001

«ЎЗСАНОАТКУРИЛИШБАНК» АТБ

БОШ ОФИСИ, ММТ: 00440,

СТИР 307 258 109, ИФУТ 27900



Бошлик

А.Ирматов



Бош директор

Э.Абдуллаев

**2022 йил 16 ноябр кунги 01/16-сонли шартномага 1-илова**

**Шартнома важларини ва нархларини тасдиқлаш баённомаси**

Бундан кейин «Буюртмачи» деб аталувчи, Низом асосида иш юритувчи Ташқи меҳнат миграцияси агентлиги Давлат Унитар Корхонаси номидан ушбу агентликни бошлиғи А.Ирматов бир томон ва бундан кейин «Ижрочи» деб аталувчи, Устав асосида иш юритувчи «SUN-HIGHTECH» масъулияти чекланган жамияти (МЧЖ) номидан директор Э.Т.Абдуллаев бошка томон, Шартнома асосан тармоқ қуёш фотоэлектрик станцияларини умумий нархи ҚҚС ни ҳисобга олган ҳолда 12 807 000 000 (Ўн икки миллиард саккиз юз этти миллион) сўмни ташкил этиши ва уларни қуйдаги ташкилотлар ва ҳажмлар кесимида келишиб олдилар:

№ т/р	Вазирлик ва унинг таркибига кирган Ташкилотлар ва бошқармалар номи	Қувватлари мик-ри (кВт)	Етказиб бериш нархи ҚҚСсиз (сўм)	ҚҚС		ҚҚС билан нархи	Изоҳ
				Фоиз	Микдори (сўм)		
1	Ўзбекистон Республикаси Бандлик ва меҳнат муносабатлари вазирлиги	60	581 846 092,29	15%	87276913,84	669 123 006,13	Ушбу ташкилот бўйича ишлар биринчи навбатда амалга оширилади
2	Ташқи меҳнат миграцияси агентлиги ДУК	47,6	492 703 856,83	15%	73905578,52	566 609 435,35	Ушбу ташкилот бўйича ишлар иккинчи навбатда амалга оширилади
3	Тошкент шаҳар «Ишга марҳамат» мономаркази	100	832 657 530,08	15%	124898629,51	957 556 159,59	Ушбу ташкилот бўйича ишлар Учинчи навбатда амалга оширилади
4	Тошкент ходимларини бошқариш ва меҳнатни муҳофаза қилиш колледжи	100	832 657 530,08	15%	124898629,51	957 556 159,59	Ушбу жадвалда кўрсатилган Биринчи, Иккинчи ва Учинчи навбатда тармоқ қуёш фотоэлектрик станцияларини қўйладиган ташкилотлардан кейин, мазкур ташкилотларга <b>Томонлар</b> ўртасида келишувга асосан тармоқ қуёш фотоэлектрик станциялари ўрнатилади
5	Корақалпоғистон Республикаси Бандлик ва меҳнат муносабатлари вазирлиги	60	581 846 092,29	15%	87276913,84	669 123 006,13	
6	Андижон вилояти Бандлик бош бошқармаси	60	581 846 092,29	15%	87276913,84	669 123 006,13	
7	Бухоро вилояти Бандлик бош бошқармаси	60	581 846 092,29	15%	87276913,84	669 123 006,13	
8	Жиззах вилояти Бандлик бош бошқармаси	60	581 846 092,29	15%	87276913,84	669 123 006,13	
9	Қашқадарё вилояти Бандлик бош бошқармаси	60	581 846 092,29	15%	87276913,84	669 123 006,13	
10	Навойи вилояти Бандлик бош бошқармаси	60	581 846 092,29	15%	87276913,84	669 123 006,13	
11	Наманган вилояти Бандлик бош бошқармаси	60	581 846 092,29	15%	87276913,84	669 123 006,13	
12	Самарқанд вилояти «Ишга марҳамат» мономаркази	100	832 657 530,08	15%	124898629,51	957 556 159,59	
13	Сурхондарё вилояти Бандлик бош бошқармаси	60	581 846 092,29	15%	87276913,84	669 123 006,13	
14	Сирдарё вилояти Бандлик бош бошқармаси	60	581 846 092,29	15%	87276913,84	669 123 006,13	
15	Тошкент вилояти Бандлик бош бошқармаси	60	581 846 092,29	15%	87276913,84	669 123 006,13	
16	Фарғона вилояти Бандлик бош бошқармаси	60	581 846 092,29	15%	87276913,84	669 123 006,13	
17	Хоразм вилояти Бандлик бош бошқармаси	60	581 846 092,29	15%	87276913,84	669 123 006,13	
18	Тошкент шаҳри Бандлик бош бошқармаси	60	581 846 092,29	15%	87276913,84	669 123 006,13	
<b>ЖАМИ:</b>		<b>1 187,6</b>	<b>11 136 521 739,13</b>	<b>15%</b>	<b>1670478260,87</b>	<b>12 807 000 000,00</b>	

Шартнома нархларига юқорида кўрсатилган усқунанинг нархи, етказиб бериш, шунингдек, усқунани ўрнатиш ва ишга тушириш харажатлари киради.

**«БУЮРТМАЧИ»**  
**Ташқи меҳнат**  
**миграцияси агентлиги ДУК**



Бошлиқ

А.Ирматов

**«ИЖРОЧИ»**  
**«SUN-HIGHTECH» МЧЖ**



Бош директор

Э.Абдуллаев